

17. ORDENANTZA

Ordenantza fiskala, Udalaren kirol instalazioak erabiltzeko tasak arautzen dituen

Oinarria

1. artikulua. Nafarroako Toki Ogasunei buruzko martxoaren 10eko 2/1995 Foru Legearen 28. artikuluan eta hurrengoetan xedatutakoaren babespean ezarri da ordenantza hau.

KONTZEPTUA

2. artikulua. Kirol instalazioak erabiltzeagatik ez da prezio publikorik galdatuko, honelako kasuetan:

- a) Gorputz hezkuntzako programa, Lehen Hezkuntzako eta Derrigorrezko Bigarren Hezkuntzako ikasleendako, irakastorduetan.
- b) Barañaingo Udalak sustatu edo antolatutako jarduerak, eta horrela baloratzen direnak.

ORDAINDU BEHARRA

3. artikulua. Kirol instalazioak erabiltzen dituzten pertsona naturalak daude ordainarazpen hauek ordaintzera behartuak.

4. artikulua. Kirol instalazioen eremura sartuz hasten den erabilerarekin batean sortzen da prezio publikoa ordaindu beharra.

KUDEAKETA ETA DIRU-BILKETA ARAUAK

5. artikulua. Kirol instalazioak modu jarraituan erabiltzen ez badira, prezioa erabili baino lehenago ordaindu beharko da, instalazio beretan edo Kirolaren Udal Bulegoan, horrela behar badu.

6. artikulua. Kirol instalazioak modu jarraituan erabiltzen badira (hamabostaldiko, hilabeteko, hiruhilekoko, urteko abonuak), prezioa erabili baino lehen ordaindu beharko da, Kirolaren Udal Bulegoan.

7. artikulua. Sarrera murriztua duten instalazioetara behar den karneta, ordainagiria, abonua, eta abar aldean eramanez joan beharko da. Erabiltzaileek berekin atxiki beharko dituzte instalazioak erabiltzeko sarrerak, karnetak edo abonuak, barnean dauden bitartean, instalazioen arduradunek eskatuz gero erakutsi ahal izateko.

8. artikulua. Instalazioen ardura duten langileek sarrerak eskatu eta ez aurkezteak udal kiroldegiaren eremutik kanporatzea izan dezake zehapen.

9. artikulua. Iruzurtzat hartuko da Udalaren edozein kirol instalaziotan behar den sarrerarik edo baimenik gabe sartzea.

10. artikulua. Instalazioen erabiltzaileek aldiro egin beharko diete men udal kiroldegiaren esparruetan portaeraz eta erabileraz ikusgai paratzen diren arauari. Halako instalazio batzuetan arau bereziak izanen dira erreserbak egiteko edo funtzionatzeko. Horiek erabiltzaileen eskura egonen dira kirol bulegoan.

11. artikulua. Udal kiroldegiko abonatuak arautegi orokorra bete beharko dute, bai eta udal kirol programako erabiltzaileendako onetsi diren eskubide eta betebeharrak ere.

TARIFAK

12. artikulua. Retegui pilotalekua gizarte edo kultur heburu baterako erabili ahal izateko, eskabidea egin beharko da, gutienez ere 20 egun lehenago, Barañaingo Herriko Etxean. Eskumena duen udal organoak instalazioa uztea onartuta, Lagunak udal zerbitzuan ordainduko da udal zerbitzu horren prezio publikoetan finkatzen den zenbatekoa.

13. artikulua. Aplikatu beharreko tarifak arau honen eranskinean agertzen dira; erabiltzaile erroldatuendako nahitaezko baldintza izanen da erroldaturik segitzea instalazioak erabiltzen diren denbora guztian.

14. artikulua. Erroldatu gabeko lagunek kirol instalazioak banaka erabili ahal izanen dituzte, betiere posible bada eta erroldatuei lehentasuna emanaz.

Erroldatu gabeek instalazioak erabiltzeko moduko baldintzak betetzen direnean, kuota bat ordaindu beharko dute, erroldatuena baino gutienez ere %50 garestiagoa.

2011KO TARIFEN ERANSKINA

ABONAMENDUAK	ERROLDATUAK	ERROLDATU
		GABEAK
Kiroldegiko abonauak: euro hilean. (muskulazio gela, squasha, sauna, ariketa kardiobaskularren gela)	29,50	44,00
Kiroldegiko abonatuaren karneta	3,30	
Instalazioak taldeka alokatzea:		
Pabilioia:		
Kantxa osoa (euro/ordua)	35,00	
Kantxaren herena (euro/ordua)	14,00	
Kantxaren bi herenak (euro/ordua)	24,00	
Osorik, harmailak barne (euro/ordua)	53,00	
Espezializazio aretoa (euro/ordua)	22,00	
Muskulazio aretoa (euro/ordua)	79,00	
Atletismoko pistak:		
Taldeka erabiltzeko		
Atletismoko pista (bakarrik erabiltzeko) (euro/ordua)	51,00	
Atletismoko pista (bertzerekin batean erabiltzeko) (euro/ordua)	33,00	
Aldagelak eta dutxak:		
15 lagun bitarte, euro/ordua/taldea	18,00	
Kopuru horretatik goiti, lagun bakoitzeko	1,50	